

Uprava policije MUP TK - Oduzeta veća količina pirotehničkih sredstava

28.12.2017 14:12



Službenici Uprave policije MUP-a TK-a su postupajući prema Operativnom planu kojim su predviđene pojačane mjere i aktivnosti na suzbijanju i sprečavanju nezakonitog prometa pirotehničkih sredstava, u vremenskom periodu od 22. do 28.12.2017.godine na području Srebrenika, Tuzle, Živinica, Gračanice, Banovića i Gradačca oduzeli veću količinu pirotehničkih sredstava.

Naime, dana 28.12.2017.godine službenici policije **PS Istok** su u Tuzli u prodaji pirotehničkih sredstava bez odobrenja nadležnog organa zatekli lice N.B., rođen 1987.godine iz Tuzle, kojom prilikom je od istog privremeno oduzeto oko 600 komada petardi i 134 rakete.

Dana 27.12.2017.godine u mjestu Tinja, općina Srebrenik javni red i mir prodajom petardi i pirotehničkih sredstava bez odobrenja nadležnih organa narušili su N.B., rođen 1987.godine iz Banovića i A.Lj., rođen 1985.godine iz Živinica, kod kojih su službenici **PS Srebrenik** pronašli i privremeno oduzeli 1050 komada petardi.

Istog dana, u Tuzli javni red i mir prodajom petardi i pirotehničkih sredstava bez odobrenja nadležnih organa narušili su S.B., rođen 1988.godine i A.H., rođen 1985.godine, oba iz Tuzle kod kojih su službenici **PS Centar** pronašli i privremeno oduzeli 880 komada petardi i 140 komada raketa.

Dana, 25.12.2017.godine službenici policije **PS Živinicice** su u Živinicama zatekli lice H.J., rođen 1982.godine nastanjen na području općine Živinicice da vrši prodaju pirotehničkih sredstava bez odobrenja nadležnog organa, kojom prilikom je od istog privremeno oduzeto oko 350 petardi.

Policijski službenici **PS Gradačac** su dana 24.12.2017.godine u mjestu Porebrice, općina Gradačac, zatekli lica V.M., rođen 1987.godine i F.M., rođen 1997.godine, oba nastanjena u Brčko Distriktu, koji su posjedovali, nudili i prodavali pirotehnička sredstva bez odobrenja nadležnog organa i to ukupno oko 200 komada petardi i 6 raketa, koje su privremeno oduzete od istih.

Dana, 23.12.2017. godine u Banovićima javni red i mir prodajom petardi i drugih pirotehničkih sredstava bez odobrenja nadležnih organa narušio je S.H., rođen 1975.godine iz Živinica. Intervenirali su službenici **PS Banovići**, koji su od navedenog lica privremeno oduzeli 680 komada petardi.

Dana, 22.12.2017.godine oko 09,30 sati, u Tuzli, javni red i mir su narušili A.H., rođen 1960.godine i S.M., rođena 1969.godine oboje iz Tuzle, na taj način što su na javnom mjestu vršili prodaju pirotehničkih sredstava bez odobrenja nadležnog organa. Tom prilikom, službenici **PS Istok** su od navedenih lica privremeno oduzeli ukupno oko 300 komada različitih pirotehničkih sredstava.

Takođe, dana 22.12.2017.godine u Gračanici, javni red i mir su narušili H.S., rođena 1967.godine, F.I., rođen 1976.godine i S.I., rođen 1983.godine, svi iz Gračanice, tako što su na javnom mjestu vršili prodaju pirotehničkih sredstava bez odobrenja nadležnog organa. Službenici **PS Gračanica** su od ovih lica privremeno oduzeli ukupno oko 600 komada i 4 kutije različitih pirotehničkih sredstava.

Protiv navedenih lica biće podneseni zahtjevi za pokretanje prekršajnog postupka zbog počinjenih prekršaja shodno Zakonu o javnom redu miru Tuzlanskog kantona, a službenici policije nastavljaju daljnje operativne aktivnosti u vezi

navedene problematike.

Preuzeto sa web stranice **Ministarstva unutrašnjih poslova Tuzlanskog kantona** - <http://mupk.ba>